

Uunga siunnersuut: Inuussutissat pillugit Inatsisartut inatsisaat nr. xx, xx. xxx 2019-imeersoq

Kapitali 1

Atuuffia, siunertaq, nassuiaatit aamma oqartussaasut pillugit aalajangersakkat

Inatsisartut inatsisaata atuuffii

§ 1. Inatsisartut inatsisaat manna Kalaallit Nunaata nunataani inuussutissanik tunisassiornermut, suliarinninnermut tunisinermullu atuuppoq, taamaattoq tak. imm. 3 aamma 4.

Imm. 2. Inatsimmiipput inuussutissanik passussinermi immikkoortut tamarmik, tassunga ilanngullugit tunisassiorneq, suliarinninneq, uninngatillugit toqqortarinninneq, poortuineq, assartuineq, naggataatigullu atuisussamut tuniniaaneq pilersuinerlu.

Imm. 3. Inatsit inoqutigiinni nammineq atugassanik inuussutissanik suliarinninnermut atuutinngilaq, taamaattorli tak. § 8 imm. 3.

Imm. 4. Inuussutissanik eqqussuineq annissuinerlu inatsimmut ilaangillat, tassunga ilanngullugit aalisakkanik aamma aalisakkanit tunisassianik niueqatigiinneq.

Inatsisartut inatsisaata siunertaa

§ 2. Inatsisartut inatsisaata matuma siunertaraa inuussutissanut naleqqiullugu inuit peqqisussaasa qaffasissumik illersorneqarnissaasa atuisullu soqutigisaasani illersorneqarnissaasa qulakkeerqarnissaat, taamaalilluni inuussutissatigut qinigassat assigiinngisitaartueneri, tassunga ilanngullugit ileqqutoqqat malillugit tunisassiorneq pingaartumik eqqarsaatigineqarlutik.

Nassuiaatit

§ 3. Uani Inatsisartut inatsisaanni tulliuuttut ima paasineqassapput:

- 1) "Inuussutissat" atortussiat tunisassialluunniit, suliarineqarsimannginnerat imaluunniit tamakkiisumik ilaannakortumilluunniit suliarineqarsimanerat apeqqutaatinnagu, inunnit nerisassatut imaluunniit nerineqartussatut naatsorsuutigineqarlutik aalajangiunneqarsimasut. Inuussutissat pillugit nassuiaammut ilaapput imeq tunisassianik atortussianilluunniit nerisassatut aalajangiussanik suliaqarnermut, suliarineranut asiunaveersaarneqarneranullu inuussutisaleriffinnit atorneqartoq.
- 2) "Inuussutissat pillugit inatsit" nalinginnaasumik inuussutissanut pingaartumillu inuussutissat isumannaatsuunissaannut atorneqartut inatsisit, peqqussutit allaffissornikkullu aalajangersakkat. Inuussutissanik tunisassiornermut, suliarinninnermut nassiussuinernullu atasut tamarmik Inuussutissat pillugit inatsimmiipput.
- 3) "Inuussutissaleriffik" pisortanit namminersortunilluunniit ingerlanneqartoq sunaluunniit, inuussutissanik sutigulluunniit tunisassiornermut, suliarinninnermut, nassiussuinermut aamma tunisinermut atasumik iluanaaruteqarluni iluanaaruteqarnanilluunniit sumilluunniit suliaqartoq.

- 4) "Inuussutissaleriffimmi pisortaq" inuk imaluunniit inatsisitigut pisinnaatitaasoq pisussaati-taasorlu pineqartup pisortaaffigisaani inuussutissaleriffimmi inuussutissat pillugit inatsimmi aalajangersakkat eqqortinneqarnissaannut akisussaasoq imaluunniit inuit imaluunniit inatsisitigut pisinnaatitaasut pisussaataasullu inuussutissaleriffimmi pineqartut pisortaaf-figisaanni inuussutissat pillugit inatsimmi aalajangersakkat eqqortinneqarnissaannut aki-sussaasut.
- 5) "Niuertarfik" inuussutissanik passussineq suliarinninnerluunniit taakkuninngalu tu-nisisarfiani toqqortarineri imaluunniit inaarutaasumik atuisussamut pilersuineq, tassunga ilan-ngullugit, taakkuninngali killilerneqanngitsumik nassiussuiffiit, kalaalimineerniarfik, nerisas-sanik pilersuiffiit, suliffeqarfiit kantiinai, pisortat suliffiutaasa igaffii, neriniartarfiit allallu taamaaqataanik nerisassatigut kifartuussisut kiisalu niuertarfiit.
- 6) "Tunisineq" tunisinissaq siunertaralugu inuussutissanik pigisaqarneq, tassunga ilanngullu-git tunisinissamik neqeroorateqarneq akissarsiaqarnikkulluunniit allatigut nuussinerit, tas-sunga ilanngullugit tunisinertaa nassiussuinerlu allatigullu ingerlanneqartoq nuussinertaa.
- 7) "Suminngaanneernerannik paasisaqarsinnaaneq" inuussutissap, uumasup inuussutissanik tunisassiornermi atorpeqartup imaluunniit atortussiat inuussutissamut akussatut aalajangi-ussap imaluunniit naatsorsuutigineqarsinnaasup imaluunniit nerukkaatip tunisassiornermut suliarinninnermut nassiussuinerlut ataat tamarmik suminngaanneernerisa paasineqarnissaa-nut malinnaaffigisinnaanerillu periarfissaqarneq.
- 8) "Inaarutaasumik atuisoq", inuussutissamik inaarutaasumik atuisoq suliffeqarfimmut inu-ussutissaleriffimmut atatillugu sulianut atatillugu imaluunniit suliat ingerlaqqinnerini nioqqutissamik atuisuunngitsaq.
- 9) "Ajutoorsinnaaneq" ingerlanerup peqqissusermut ajortumik sunniuteqarsinnaanerata ili-manaateqarnera, tamatuma qanoq annertutigisumik sunniuteqarsinnaanermik nalilersuinerlut sanilliullugu.
- 10) "Ajutoortoqarsinnaanerannik misissueqqissaarneq" ingerlatsineq imminnut atasumik pingasunik immikkoortoqartoq: ajutoortoqarsinnaanerannik nalilersuineq, ajutoorfiusin-naasunik aqutsineq ajutoornerillu pillugit attaveqaqatigiinneq.
- 11) "Ajutoortoqarsinnaanerannik nalilersuineq" ilisimatuussutsikkut tunngaveqartumik inger-lataqarneq sisamanik immikkoortulik: navianartup paasineqarnera, navianartup pissusiata nalilerneru, sunniutaanik nalilersuineq ajutoorfiusinnaasullu pissusianik naliliineq.
- 12) "Ajutoorfiusinnaasunik aqutsineq" ingerlatsineq tassaasoq suliniutip assigiinngitsunik periarfissaqarnerannik missiliuineq, ajutoortoqarsinnaanerannik nalilersuinerlut pissutsinillu attuumassuteqartunik allanik naliliineq pisariaqassappallu tulluurtumik pitsaaliuinissamut nakkutilliinissamullu periarfissanik toqqaaneq.
- 13) "Ajutoornerillu pillugit attaveqaqatigiinneq" ajutoortoqarsinnaanerannik nalilersuinerup inerneru pillugit attaveqaqatigiinneq nassuiaanerlu aamma ajutoorfiusinnaasunik aqutsinerlut atatillugu aalajangiinernut tunngaviusut.
- 14) "Navianartoq" inuussutissani uumassuseqartunut, akuutissatigut sunniuteqartitsis-unulluunniit atasinnaasunik imaluunniit inuussutissap qanoq ittuunerannut ataat peqqinnis-samut ajoqusiillutik sunniuteqarsinnaasut.

- 15) "Tunisassiornermut, suliarinninnermut nassiussuinnermut tunisinnermullu atasut" inu-
ussutissap aallaqqaammut tunisassiarineraniit toqqortarineranut, assartorneranut,
tunineqarneranut imaluunniit inaarutaasumik atuisumut tunniunneranut atasut tamarmik.
- 16) "Pingaarnertut tunisassiat" pingaarnertut tunisassiat tassaapput pingaarnertut tunisassior-
nermiit tunisassiat, tassunga ilanngullugit nunalerinnermi nersutaatiniillu tunisassiat, kiisalu
aallaaniarnermiit aalisarnermiillu tunisassiat.
- 17) "Pingaarnertut tunisassiorneq" pingaarnertut tunisassianik tunisassiorneq, kinguaas-
siortitsineq naatitsinerluunniit, tassunga ilanngullugit inerittunik katersuineq, immuiaaneq
toqutsinerlu sioqqullugu nersutaatinik tunisassiorneq. Taaguummumut aamma ilaapput aallaan-
iarneq aalisarnerlu inerittunillu katersuineq aamma pinngortitamiittunik toqqaannartumik
katersuineq.
- 18) "Pingaarnertut tunisassiortoq" inuk suliffeqarfilluunniit pingaarnertut tunisassioruusoq.
- 19) "Nammineq nakkutilliineq" tassaavoq aaqqissuussineq tunisassiat peqqinnissamut
ajoqusiinnginnissai taamaalillutillu inuussutissat pillugit inatsimmik atuuttumik
eqquutitsineranik qulakkeerinninnissamut tunisassianik suliffeqarfiup tunisaanik
suliffeqarfiullu suliarisaanik inuussutissaleriffiit ingerlaavartumik nakkutilliinerat.
- 20) "Annikitsumik tunisassiorneq" tassaavoq pilersitsisuaqqat annikitsumik annertus-
suseqartumik tunisassianik pisiortortut, suliarinnittut tunisaqartullu.
- 21) "Nittarsaneq" tunisinissaq siunertaralugu tunisassianik eqqartuineq nassiussuinerlu.
- 22) "Oqartussat aalajangiisussaataasut" Kalallit Nunaanni Uumasunut Nakorsaqaarfik Inu-
ussutissalerinnermullu Oqartussaaffik imaluunniit Naalakkersuisunit toqqarneqartoq nakkutilli-
innermi oqartussat.
- 23) "Akuersissut" tassaavoq oqartussat aalajangiisussaataasut suliffeqarfiup aaqqissuunera,
ingerlanneqarnera namminerlu nakkutiginnera pillugit Inatsisartut inatsisaannut uunga naaper-
tuunnissaa pillugu akuersissuteqarnerat.
- 24) "Utertitsineq" tassaavoq nioqqutit niuertarfinnit peerneqarneri inaarutaasumik atuisumut
anngutinnginneranni.
- 25) "Utertitseqqusineq" tassaavoq nioqqutissat inaarutaasumik atuisunut tunniunneqareersut
atorneqartussalluunniit uterteqquneqarneri suulluunniit.
- 26) "Nioqqutissat inuussutissanik isumannaallisaaanermik piumasaqaatinik
eqquutsitsinngitsut" tassaapput nioqqutissiat Inatsisartut inatsisaannik tassanngalu malit-
tarisassanik piumasaqaatinillu aalajangersakkanik eqquutsitsinngitsut.
- 27) "Niuertarfinnut pilersuisoq" suliffeqarfiuvoq suliffeqarfimmumut allamut inuussutissanik
suliareqqiisartoq, toqqorsisartoq, assartuisartoq tuniniaaqqittartorluunniit.
- 28) "Atortut inuussutissanut attuutussat" tassaapput inuussutissalerinnermut atatillugit sulia-
qarnernut atortut inuussutissanut attuuttussatut naatsorsuutigineqartut.

Oqartussaasut pillugit aalajangersakkat

§ 4. Inatsisartut inatsisaanni matumani aalajangersakkat malinneqarnerat Naalakkersuisut
nakkutigissavaat.

Imm. 2. Aalajangiinermut piginnaatitaanermik inatsimmi akisussaaffiit pillugit kommunal-bestyrelsinut sinniisuusinnaatitaanermut tamakkiisumut ilaannakuusumulluunniit malittarisassanik Naalakkersuisut aalajangersaasinnaapput.

§ 5. Kalaallit Nunaanni Uumasunut Nakorsaqaarfik Inuussutissalerinermullu Oqartussaasut inatsisartut inatsisaanni matumani aalajangersakkat eqqortinneqarnerinik nakkutilliinermi oqartussat nakkutilliillutillu misissuinernik ingerlataqarput, tak. kapitali 13.

Imm. 2. Kalaallit Nunaanni Uumasunut Nakorsaqaarfik Inuussutissalerinermullu Oqartussaasunit allaanerusunik nakkutilliinermi oqartussat Naalakkersuisut toqqaasinnaapput.

Kapitali 2

Inuussutissanik tunisassiornermut, toqqorsinermit, nassiussuinermit tunisinermullu tungaviit

§ 6. Inuussutissat atortussiallu inuussutissanut atassuteqartut suliarineqarnerminni, tunisassiarineqarnerminni, toqqortarineqarnerminni ussassaarutigineqarnerminnilu pitsaasuussapput aamma piffissami tunineqarnerminni naammaginartumik ajortunngujaassuseqassallutik tunineqarnerminnilu nalaanni ullussaminnik qaangiisimassanatik.

Imm. 2. Inuussutissat nalinginnaasumik atorneqarnermikkut nappaatinik tunillaassinnaasutut imaluunniit napparsimalersitsisinnaasutut, toqunartoqalersitsisinnaasutut naatsorsuutigineqarpata, imaluunniit inuussutissat peqqiillortitsinerat, asiusimani, mingutsinneqarsimani, kukkusumik nerisassiarineqarsimani allatigulluunniit inuit nerisassaattut naleqqutinningsutut isigineqarsinnaappata imaluunniit inuussutissat isumannaatsuunissaat pillugu pi-umasaqaatinik naammassinninngippata tunineqaqqusaanngillat imaluunniit inuit nerisassaattut tunniunneqaqqusaanatik.

Imm. 3. Inuussutissanik nioqqutissiat imm. 1 naapertorlugu ullussaminnik qaangiisimasut tuniniarneqartarneri allatulluunniit tunniunneqartarneri pillugit Naalakkersuisut malittarisassiorsinnaapput.

§ 7. Inuussutissanik atortussiallu inuussutissanut atassuteqartut suliarinnineq, tunisassiorneq, toqqortaqrneq, nassiussuineq tuniniaanerlu eqqiluisaarnikkut illersorneqarsinnaasumik ingerlanneqassaaq taamaalilluni inuussutissat atortussiallu inuussutissanut atassuteqartut inuit nerisassaattut naleqqukkunnaarlutik mingutsinneqarnatik allatigulluunniit ajoqusiisinaasumik sunnerneqarnatik.

Imm. 2. Inunnut inuussutissanik atortussiallu inuussutissanut atassuteqartut suliarinninnermik, toqqorsinermik, tunisassiornermik, nittarsaanermik nakkutilliinermillu suliaqartunut inuup eqqiluisaarnissaa peqqissutsikkullu misissorneqartarnissaa pillugu malittarisassanik Naalakkersuisut aalajangersaasinnaapput.

Imm. 3. Inuussutissanik atortussiallu inuussutissanut atassuteqartut suliarinnineq, tunisassiorneq, toqqortaqrneq, tunisineq nakkutilliinerlu inunnit napparsimasunit imaluunniit inuussutissanut tunillaassinnaasumik inuussutissanik atortussiallu inuussutissanut atassuteqartut

inuit nerisassaattut naleqqukkunnaarsitsisinnaasumik nappaateqartutut naatsorsuutigineqartumit suliaqaqqusaanngillat.

Imm. 4. Inuussutissanik suliarinninnermi, toqqorsinnermi, tunisassiornermi nittarsaanermilu eqqiluisaarneq pillugu malittarisassanik Naalakkersuisut aalajangersaasinnaapput.

§ 8. Nunap ilaani aalajangersimasumi inuussutissat atortussiallu inuussutissanut atassuteqartut mingutsinneqarsinnaanerannik aarlerinartoqarpat, tassunga ilanngullugu radiup qingorneranik imaluunniit avatangiisimi mingutsinneqarsimappata, allatigulluunniit inuit nerisassaattut atorneqarnissaat naleqqukkunnaarpata, nioqqutissiat taamatut ittut tuniarneqarneri Naalakkersuisunit inerteqqutigineqarsinnaapput, killeqartinneqarlutik imaluunniit piumasaqaatinik aalajangersaavigineqarlutik.

Imm. 2. Inuussutissat atortussallu inuussutissanut attuuttussat mingutsinneqarsimasut piumasaqaatit suut tunngavigalugit tuniarneqarsinnaaneri pillugit Naalakkersuisut malittarisassanik aalajangersaasinnaapput.

Imm. 3. Nunap immikkoortuini aalajangersimasuni naatitanik naatitsineq, nersutaatinik kinguaassioortitsineq, piniarneq, aalisarneq imaluunniit inerittunik, paarmanik, pupinnik, maninnik, honningimik katersineq nioqqutissiornerluunniit Naalakkersuisunit inerteqqutigineqarsinnaapput, killilerneqarsinnaapput imaluunniit piumasaqaatinik aalajangersaaffigineqarsinnaapput.

§ 9. Inuussutissanik atortussallu inuussutissanut attuuttussanik suliarinninnermi atortussat aamma atortut imaluunniit suliarinneriaatsit aalajangersimasut atorneqarnissaat pillugit male ruagassanik Naalakkersuisut aalajangersaasinnaapput, tassunga ilanngullugit sananeqaatitigut atortorissaarutit, qingornerit atorlugit asiunaveersaatinik allanillu asiunaveersaatinik imaluunniit suliarinneriaatsinik atuinerit.

Imm. 2. Inuussutissat imaluunniit akorineqartut atortussallu inuussutissanut attuuttussat manna tikillugu inuussutissat atortussalluunniit inuussutissanut attuuttussatut isigineqarsimanngitsut, imaluunniit siusinnerusukkut siunertamut atorneqarsimanngitsut atortorissaarutit atornerisigut pilersinneqartut, atorneqarnissaat imaluunniit tuniarneqarnissaat sioqqullugu akuerineqartarnissaannut malittarisassanik Naalakkersuisut aalajangersaasinnaapput.

Kapitali 3

Ajutooratarsinnaanermik misissueqqissaarneq

§ 10. Inuit peqqissuunerisa inuunerisalu qaffasissumik illersorneqarnissaat pillugu nalinginnaasumik anguniagaq naammassiniarlugu inatsisartut inatsisaat manna malillugu inuussutissanik nakkutiginninneq ajutoortoqarsinnaanerannik misissueqqissaarnernik tunngaveqassaaq, aaqqiissutissap qanoq ittuunerani allatigulluunniit pisut eqqarsaatigalugit tamanna naleqqutinngitsuunngippat.

Imm. 2. Ajutoortoqarsinnaanerannik misissueqqissaarnerup suliarinissaanut malittarisassanik suleriaatsinillu Naalakkersuisut aalajangersaassapput.

Kapitali 4

Inuussutissat katitigaanerat

§ 11. Inuit peqqissuunerisa illersorneqarnissaat siunertaralugu inuussutissat nunatsinni tunisassat katitigaaneri qanorlu pitsaassuseqarnissaat, tassunga ilanngullugit inuussutissatigut immikkut siunertanut inuussutissanullu akussanut aalajangerneqarsimasut inuussutissat pillugit malittarisassanik Naalakkersuisut aalajangersaasinnaapput.

§ 12. Piumasaqaatit suut tunngavigalugit nunatsinni tunisassanut akuutissat mamarsaasiallu atorneqarsinnaaneri, tassunga ilanngullugu siunertanut sunut, qanoq annertutigisut tunisassianullu sunut, aamma akuutissat suuneri akuitsuunerilu pillugit malittarisassanik Naalakkersuisut aalajangersaasinnaapput.

Kapitali 5

Inuussutissanik nittarsaassisarneq nalunaaqutsersuisarnerlu

§ 13. Paasissutissanik atuisunut, suliffeqarfinnut imaluunniit nakkutilliinermi oqartussanut pingaaruteqartunik inuussutissat atortussallu inuussutissanut attuuttussat nalunaaqutsersornissaat pillugu malittarisassanik Naalakkersuisut aalajangersaasinnaapput.

Imm. 2. Inuussutissanik atortussallu inuussutissanut attuuttussanik nalunaaqutsersuisarneq nittarsaassisarnerlu pillugit Naalakkersuisut malittarisassanik aalajangersaasinnaapput, tassunga ilanngullugit:

- 1) Inuussutissat immikkut peqqissinartuunerisa imaluunniit pitsaaliuinnermut sunniuteqarnerisa allanneqarnissaat.
- 2) Inuussutissap aalajangersimasumik pissuseqarnera pillugu pitsassuuneranik erseqqissaanerup atornerarnera.

§ 14. Nunatsinni tuniniagassanik akuutissanik aamma mamarsaasianik nalunaaqutsersuineq, tassunga ilanngullugit atornissaanut ilitersuutit mianersoqqussummillu nalunaaqutsersuineq pillugit maleruagassanik Naalakkersuisut aalajangersaasinnaapput.

Kapitali 6

Atortussiat atortullu inuussutissanut attuuttussatut naatsorsuussat

§ 15. Makku pillugit malittarisassanik Naalakkersuisut aalajangersaasinnaapput:

- 1) Atortussanik inuussutissanut attuuttussanik atuneq.
- 2) Atortussanik inuussutissanut attuuttussanut ilaasunik akuutissanik atuneq.
- 3) Atortussanik inuussutissanut attuuttussanik tunisassiornermi atornerartussanik suliarinneriaatsinik atuneq.
- 4) Atortussanik inuussutissanut attuuttussanik katiterisarneq nalunaaqutsersuisarnerlu.
- 5) Atortussanik inuussutissanut attuuttussaniit tuniluunnerit.

6) Inuussutissanut aalajangersimasunut pissutsinulluunniit aalajangersimasunut atorneqartus-
sat atortussat inuussutissanut attuuttussat piusinnaanerinit kimittussusissaanullu pi-
umasaqaatit.

7) Atortussanik inuussutissanut attuuttussat atorfissaannut naleqquttuunerinik uppernar-
saammik ilaqartinneqassasut.

Imm. 2. Aammattaaq Naalakkersuisut makku pillugit malittarisassanik aalajangersaasin-
naapput:

1) suliffeqarfimmi aqutsisut, nioqqutissiortut imaluunniit atortussanik inuussutissanut attuut-
tussanik nioqqutissanut aalajangersimasumik atugassanik eqqussuisartut atortussat ator-
tulluunniit tamakku qanoq iliorluni niuerfimmiit peerneqartarnissaat siunertaralugu aalajan-
giisarnissaat.

2) atortussat inuussutissanut attuuttussat inuussutissat isumannaatsuunissaannut ulorianarpata
imaluunniit ulorianartutut isumaqarfigineqarpata nittarsaanneqassanngitsut.

§ 16. Atortussat inuussutissanut attuuttussat, inuussutissanut attuuttussat aalajangiussat,
inuussutissat isumannaatsuunissaannut piumasagaatinik eqqortitsinngitsut ingerlataqartut
pineqartut isumaqarpata imaluunniit isumaqassallutik tunngavissaqarpata § 15, imm. 2, nr. 1
malillugu malittarisassat atulersinneqartut malillugit utertitsineq pissaaq.

Kapitali 7

Suminngaanneernerannik paasisaqarsinnaaneq

§ 17. Inuussutissaleriffimmik pisortat inuussutissat aamma atortussanik inuussutissanut
attuuttut imaluunniit uumasut inuussutissanik tunisassiornermi atorneqartut aalajangersimasut
aamma akuutissat suulluunniit inuussutissamut akussatut aalajangiunneqarsimasup imaluunniit
akussatut naatsorsuutigineqartup suminngaanniit pissarsiarisimanerlugit paasisinnaassavaat.
Inuussutissaleriffimmi pisortaq aamma tunisassiap sumut tunniunneqarnissaa pillugu
paasisaqarsinnaassaaq ilisimatitsisinnaassallunilu. Paasissutissat tamakkua taakku noqqaaner-
isigut oqartussanut piginnaatitaasunut piareersimassapput.

Imm. 2. Suliffeqarfinnut allanut sumut tunisassiamik pilersuisimanerup paasineqarnissaanut
inuussutissaleriffinni pisortanut aaqjissuussinernik suleriaatsinillu pilersitsinissamut pi-
umasaqaatit pillugit malittarisassanik Naalakkersuisut aalajangersaasinnaapput.

§ 18. Inuussutissaq atortussarluunniit inuussutissanut attuuttoq tunineqartoq imaluunniit
tunineqartussatut naatsorsuutigineqartoq uppernarsaat paasissutissalluunniit tulluurtut ilua-
qutigalugit suminngaanneernerannik paasisaqarnissamik ajornannginnerulersitsisumik tulluar-
tumik nalunaaqutserneqarsimassaaq suuneranilluunniit paasissutissiissutigineqarluni.

Imm. 2. Nalunaaqutsiinermut paasisaqarnissamullu piumasagaatinik Naalakkersuisut aala-
jangersinnaapput, tak. imm. 1.

Kapitali 8

Inuussutissanut akisussaaneq

§ 19. Inuussutissaleriffinni pisortat suliffeqarfimmi pisortaaffigisaminni tunisassiornermi, suliarinninnermi nassiussuinnermilu atasuni tamani ingerlataminnut attuumassuteqartunik inuussutissat atortussalluunniit inuussutissanut attuuttut pillugit inatsimmi piumasagaatit naammassineqartut qulakkiissavaat, piumasagaatillu pineqartut eqqortinneqarneri nakkutigalugit. Suliffeqarfik suliffeqarfiup nakkutilliinermik suliaanut tamanut akisussaasuvoq.

§ 20. Inuussutissaq atortussalluunniit inuussutissanut attuuttoq suliffeqarfiup eqqussimasai, tunisassiarisimasaa, suliarisimasai, suliareqqissimasai nassiussimasaaluunniit inuussutissat isumannaatsuunissaannik piumasagaatinik naammassinninngitsoq suliffeqarfimmi inuussutissaleriffimmi pisortaq ilisimasaqarpat imaluunniit naatsorsuutiginnissaanut tunngavissaqarpat inuussutissap atortussalluunniit inuussutissanut attuuttup pineqartup niuerfimmiiit utertinneqarnissaa siunertaralugu ingerlaannartumik qanoq iliornissamut taanna aalajangiissaaq, tamannalu pillugu oqartussat aalajangiisussaataasut ilisimatillugit.

Imm. 2. Nioqqutissiaq imm. 1 naapertorlugu atuisunut anngussimappat inuussutissalerinermik suliffeqarfiup pisortaata atuisut paasinartumik pitsaasumillu paasitissavai nioqqutissap sooq utertinneqarnerata tunngavianik, pisariaqarpallu nioqqut pineqartoq atuisunit utertissallugu peqqinnerup illersorneqarnissaata qaffasissumik inissisimanissaa pillugu iliuusissat allat naammangippata.

§ 21. Suliffeqarfimmi inuussutissaleriffiusumi pisortaq niuertarfinnut imaluunniit nassiussuinnermut akisussaasoq, aamma inuussutissap poortorneqarneranut, nalunaaqutsersorneranut, isumannaatsuuneranut imaluunniit innarligassaanginneranut sunniuteqanngitsoq, tunisassiat inuussutissat isumannaatsuunissaannut piumasagaatinik naammassinninngippata niuerfimmiiit, inaarutaasumilluunniit atuisumiit utertinneqarnissaat, tuniniarnerisa unitsinnissaat utertinnissaalluunniit siunertaralugu ingerlatanut sinaakkusiussat iluanni pisariaqartumik qanoq iliornissamut piareersaateqassaaq.

Imm. 2. Suliffeqarfimmi inuussutissaleriffiusumi pisortaq inuussutissap suminngaaneernerannik paasisaqarnissamut noqqaasoqarneratigut nakkutilliinermi oqartussanut paasisutissanik tulluartunik ingerlatitseqqinnikkut inuussutissap isumannaatsuuneranut ikiuutissaaq.

Kapitali 9

Eqqiaanermi tunillannartuiaanermi tarngutinillu atortut

§ 22. Akuersisarneq pillugu katiterineq nalunaaqutsersuinerlu kiisalu eqqiaanermi, tunillannartuiaanermi tarngutinillu atortunik akuersineq, katiterineq nalunaaqutsersuineq kiisalu atui-neq pillugu malittarisassanik Naalakkersuisut aalajangersaasinnaapput.

Imm. 2. Aammattaaq Naalakkersuisut makku pillugit malittarisassanik aalajangersaasinnaapput:

1) suliffeqarfimmi pisortat, eqqiaatinik, tunillannartuiaatinik imaluunniit tarngutissanik tunisassiorlut eqqussuisartulluunniit eqqiaatit, tunillannartuiaatit imaluunniit tarngutissat nioq-

qutigineqartut niuertarfinnit utertinneqarnissaat siunertaralugu upalungaarsimanissaminnut malittarisassaqqassasut.

2) eqqiaatit, tunillannartuiaatit tarmgutissat tuniniarneqaqqusaanngitsut inuussutissat isumannaatsuunissaannut ulorianarpata imaluunniit ulorianartutut naatsorsuutigineqarpata.

§ 23. Eqqiaatit, tunillannartuiaatit tarmgutilluunniit inuussutissat isumannaatsuunissaannut piumasagaatinik eqqortitsinngitsut ingerlataqartut pineqartut isumaqarpata imaluunniit isumaqassallutik tunngavissaqarpata § 22, imm. 2, nr. 1 malillugu malittarisassat atulersineqartut malillugit utertitsineq pissaaq.

Kapitali 10

Suliffeqarfinnik inuussutissaleriffiusunik nalunaarsuineq, akuersineq namminerlu nakkutillineq

§ 24. Suliffeqarfiit inuilluunniit inuussutissarsiornissaq siunertaralugu inuussutissanik imaluunniit atortussanik inuussutissanut attuuttunik suliarinnittut, toqqorsisut, assartuisut, niueruteqartut imaluunniit eqqussuisut oqartussat aalajangiisussaataitaasunit nalunaarsorneqaqqaaratik ingerlatartik aallartissinnaanngilaat.

§ 25. Suliffeqarfiit inuussutissaleriffiusut aalajangersimasut imaluunniit suliffeqarfiit inuussutissaleriffiusut immikkut ittut aalajangiisinnaasutut oqartussanit akuerineqaqqaarnatik ingerlataminnik aallartitsisinnaanngitsut pillugit malittarisassanik Naalakkersuisut aalajangersaasinnaapput.

Imm. 2. Naalakkersuisut suliffeqarfiit inuussutissaleriffiusut akuerineqarnissaat pillugu malittarisassanik aalajangersaassapput, tamatumunnga ilanngullugit suliffeqarfiup inuussutissalerisup akuersissummik nalunaarfingineqarnissaa pillugu piumasagaatit, aamma akuersissummut atugassarititaasunik ilanngussinissamut periarfissaq pillugu.

Imm. 3. Qaqugukkut akuersissummik nutaamik piniartoqartarnissaa pillugu maleruagassanik Naalakkersuisut aalajangersaasinnaapput.

Imm. 4. Suliffeqarfiit inuussutissaleriffiusut aalajangersimasut imaluunniit suliffeqarfiit inuussutissaleriffiusut immikkut ittut akuersineq pillugu piumasagaatinut ilaatinnginnissaat pillugu maleruagassanik Naalakkersuisut aalajangersaasinnaapput.

Imm. 5. Suliffeqarfik piumasagaatinik naammassinninngippat, imaluunniit akuersisimanerumut tunngaviusut annertuumik allanngorsimappata akuersisimanerup arsaarinnissutigisinnanera pillugu maleruagassanik Naalakkersuisut aalajangersaasinnaapput. Aalajangiussami allamik allassimasoqanngippat arsaarinninneq piffissami suliffeqarfimmut nalunaaruteqarnermiit atuutilissaaq. Suliffeqarfik inuussutissaleriffiusoq, akuersissumminik arsaarneqarsimasoq kingumut akuerineqarnissamik kissaateqarpat suliffeqarfimmik inuussutissaleriffiusumik ingerlatsinissamut akuersissummik nutaamik qinnuteqartoqassaaq.

§ 26. Piginnittunik nikittoqarneranik qanoq ilinerani nalunaartoqarnissaa pillugu malittarisassanik Naalakkersuisut aalajangersaasinnaapput kiisalu paasissutissat suut nalunaarutigineqassanersutpillugit.

§ 27. Inuussutissat eqqiluisaarnikkut, peqqinnissakkut imaluunniit pitsaassutsikkut pitsaasuunissaasa qulakkeerneqarnissaat siunertaralugu inuussutissanik pingaarnertut tunisassiorneq pillugu malittarisassanik Naalakkersuisut aalajangersaasinnaapput.

§28. Tunisinissaq nioqqutissiornissarlu siunertaralugu ileqquusumik sularineqartunik inuussutissanik tunisassiorneq aamma annikitsumik tunisassiorneq pillugu immikkut ittunik malittarisassanik Naalakkersuisut aalajangersaasinnaapput.

Imm. 2. Annikitsumik tunisassiornerup annertussusaa pillugu piumasqaatinik erseqqinnerusunik Naalakkersuisut aalajangersaassapput.

§ 29. Suliffeqarfiit inuussutissaleriffiusut, toqqorsiviusut, assartuutit assigisaalu inuussutissat pillugit inatsimmut ilaasut eqqiluisaartinnissaat kiisalu aaqqissuunneqarneri ingerlanneqarnerilu pillugit malittarisassanik Naalakkersuisut aalajangersaasinnaapput. Matumani ilanngullugit assartuutininik, ininik, pequtininik, atortuninik, maskiinaninik, poortuutininik assigisaanilu kiisalu siku, imeq, aalaq, silaannaq silaannaallu inuussutissanik passussinermi atorneqartartunik imaluunniit ininik, atortuninik il.il. eqqiaanermi atortut akuerineqartarnissaat pillugit malittarisassaliortoqarsinnaavoq imaluunniit aalajangersagaliortoqarluni.

§ 30. Suliffeqarfiit inatsimmut ilaatinneqartut tunnisassiat Kalaallit Nunaanni Europamilu niuffaffinnut nioqqutissiannorlugit akuerisaasunut suliffeqarfinnillu ilaatinneqartunuinnaq atorneqartussaasutut Naalakkersuisut malittarisassiorsinnaapput.

§ 31. Suliffeqarfiit inatsimmut ilaasut, nammineq akilikkaminnik, eqqiaanermi pissutsinik aamma inuussutissanik tunisassiornermut atasunik tamanut attuumassuteqartunik ingerlatanik nammineq nakkutilliinermik ingerlatsisarnissaat pillugu malittarisassanik Naalakkersuisut aalajangersaasinnaapput. Tassunga ilanngullugu nammineq nakkutilliinerup qanoq piareersarnissaa, ingerlanneqarnissaa uppersarnissaalu pillugit malittarisassanik aalajangersaasoqarsinnaavoq.

Imm. 2. Suliffeqarfiit inatsimmut ilaasut nammineq akilikkaminnik erseqqinnerusumik aalajangersarneqarsimasunik paasiniaanermik misissuinerinillu ingerlatsisarnissaat pillugu Naalakkersuisut malittarisassanik aalajangersaasinnaapput.

Imm. 3. Suliffeqarfiit inatsimmut ilaasut nammineq akilikkaminnik misissueqqissaarnerup inernerinik oqartussat aalajangiisussaataitasunut nassiussinissaat pillugu malittarisassanik Naalakkersuisut aalajangersaasinnaapput.

§ 32. § 32, imm. 2 malillugu misissueqqissaarnissat piumasarineqartut laboratoriani aalajangiisussaasutut oqartussanit akuerisaasunit suliarineqartassapput. Misissueqqissaarnermi iner-

nerit nakkutilliisussatut oqartussanut piumasarineqarneranni takutinneqartassapput piffissallu naammaginartup iluani.

§ 33. Suliffeqarfinni inuussutissaleriffiusuni inatsimmut ilaasuni sulisunut suliaqartunut inuussutissalerinermi eqqiluisaarnissamut pinngitsoorani ilinniartitaanissaq pillugu malerua-gassanik Naalakkersuisut aalajangersaasinnaapput.

Kapitali 11

Ilitsersuutit

§ 34. Inuussutissat isumannaatsuunissaannik qulakkeerinninniarnermi inuussusissaleriner-mik suliaqartunut inatsisartut inatsisaannut ilaatinneqartunut ilitsersuutit taakkulu tamanut saqqummiunneri Naalakkersuisut suliarisinnaavaat.

Imm. 2. Inuussutissalerinermik suliaqartut Inatsisartut inatsisaannut ilaatinneqartut aalajan-giisussatut oqartussanut akuersissutinik piniarnerminni namminneq ilitsersuusiatic suliaralug-illu nassiussinnaavaat.

Kapitali 12

Akiliutit

§ 35. Pingaarnertut tunisassortut suliffeqarfiillu inuussutissaleriffiusut inatsimmut ilaasut, tassunga ilanngullugit suliffeqarfiit atortussat inuussutissanut attuuttussanik sanaartortut, inat-sit malillugu ingerlanneqartunut aamma inatsit malillugu malittarisassaqqartinneqartunut nak-kutilliinerni misissuinerilu aningaasartuutinik akiliuteqarnissaat pillugu malittarisassanik Naalakkersuisut aalajangersaasinnaapput.

Imm. 2. Inuussutissalerinermik suliaqartut ilaat, isumaginninnermi suliaqarnermut atatillugu imaluunniit inuussutissarsiutigalugu iluanaarutiginarneqanngitsunik tuniniaasut suliffeqarfin-nullu allanut unammilleqatigiinnermik siunertaqanngitsunik suliaqartut imm. 1 naapertorlugu nakkutilliinermi aningaasartuutit ilaannakortumik akiliisarnissaat tamakkiisumilluunniit aki-liisanginnissaat pillugit Naalakkersuisut malittarisassiorsinnaapput.

§ 36. Akitsuutit akileqqunissaat akilerneqarnissaallu kiisalu inatsit naapertorlugu akiliutinik akileeqqusineq akiliinerlu, tassunga ilanngullugit immikkut ulapinnartut nakkutilliinerit im-mikkullu ittumik misissuinerit, kiisalu suliffeqarfiup inuussutissaleriffiusup nakkutigineranut atatillugu nakkutilliisut angallannerisa, illusimatinnerinut nerisaqartinnerinullu akiliinerit pil-lugit malittarisassanik Naalakkersuisut aalajangersaasinnaapput.

Kapitali 13

Nakkutilliineq

§ 37. Nakkutilliinerit nakkutilliinermilu nalunaarusiornerit akulikissusissaat annertussusis-sallu pillugit malittarisassanik Naalakkersuisut aalajangersaasinnaapput.

§ 38. Inuussutissat atortussalluunniit inuussutissanut attuuttut aamma suliffeqarfiit inuussutissaleriffiusut aalajangersimasut immikkut nakkutigineqarnissaat pillugu Naalakkersuisut malittarisassanik aalajangersaasinnaapput.

Imm. 2. Uumasunik toqoraavinni, nunatsinnut tunisassiortunut neqinik nakkutilliisarnermut Naalakkersuisut malittarisassaliorsinnaapput.

§ 39. Aalajangiisussaataasutut oqartussat piumasaqaatit inatsimmi aalajangersarneqarsimasut malinneqarnissaannut pisariaqartutut isigineqartunik aalajangiisinnaapput, taakkununga ilanngullugu erseqqissaanernik, peqqussutinik inerteqqutinillu nalunaaruteqartassallutik.

Imm. 2. Aalajangiisussaataasutut oqartussat peqqussutit inerteqqutillu, tak. imm. 1, suliffeqarfiup akiligaanik naammassitissinnaavaat.

§ 40. § 39, imm. 1 naapertorlugu inerteqqut imaluunniit peqqussut malinneqangippat inatsimmi matumani aalajangersakkanut ilaasut suliffeqarfiit ingerlatsiinnarnissaannut aalajangiisussaataasutut oqartussat inerteqquteqarsinnaapput aamma inatsisartut inatsisaat manna naapertorlugu akuersissutaannik atulersinneqarsimasunik arsaarinnissinnaallutik. Aalajangiinnermit allamik allassimasoqangippat arsaarinninneq piffissami suliffeqarfimmut nalunaarutigineraniit atuutilissaaq.

§ 41. Peqqussutip qanoq ittuuneranut naleqqiullugu naammaginantumik erseqqinnerusumik piffissaliussatut aalajangerneqartup iluani suliffeqarfimmi eqqiluisaarnikkut tunisassiornikkullu pissutsit iluarsineqarnissaannut aalajangiisussaasutut oqartussaasut suliffeqarfimmi inuussutissaleriffiusumi piginnittunut, pisortanut siulersuisunullu peqqusisinnaapput. Peqqusineq taamaattoq allaganngorlugu nalunaarutigineqassaaq, suliffeqarfiullu piginnittuanut aqutsisuanullu nalunaarutigineqassaaq.

Imm. 2. Peqqussut piffissaliussatut aalajangerneqartup iluani malinneqangippat pissutsit pitsaanerulersinnissaasa aamma aalajangiisussaasutut oqartussaasunut uppersararneqarnissaasa tungaannut suliffeqarfik aalajangiisussatut oqartussanit matuneqarsinnaavoq.

§ 42. Atorneqarnermikkut nalinginnaasumik inuit peqqissusiannut navianaateqarsinnaasutut naatsorsutigineqartunik inuussutissanik atortussalluunniit inuussutissanut attuuttunik tunisnissaaq, pilersuinissaaq tunniussinissarlunniit aalajangiisussatut oqartussanit inerteqqutigineqarsinnaavoq.

Imm. 2. Aammattaaq allanngorneri, mingutsinneqarsimaneri, asiusimaneri, kukkusumik nerisassiarineqarsimaneri pissutigalugu allatigulluunniit inuit nerisassaattut naleqqutinnngitsutut isigineqarsinnaappata inuussutissat tuniniarneqarneri, pilersuineq tunniussinerlunniit aalajangiisussaasutut oqartussat pisussaaffigaat inerteqqutigissallugu.

Imm. 3. Nalunaaqutsersuineq paasinerluissutaasinnaappat imaluunniit inuussutissat inuit peqqissusiannut navianaateqarpata imaluunniit inuit nerisassaattut naleqqutinnngitsutut isigineqarsinnaappata inuussutissat atortussalluunniit inuussutissanut attuuttut utertinneqarnissaat aalajangiisussatut oqartussat peqqusisinnaapput.

§ 43. Aalajangiisussaasutut oqartussaasut inuussutissalerinerup iluani ilisimasalittut siunnersortimit ikiortissarsiortoqassasoq imaluunniit suliffeqarfiup inuussutissaleriffiusup aqutsisui sulisulluunniit pikkorissarnermut peqataassasut imaluunniit aalajangersimasumik ilinniagaqarsimanissaat pillugu peqqussuteqarsinnaapput. Eqqiluisaernerup, nammineq nakkutillinerup kiisalu inuussutissanik passussisarnerup iluani siunnersuisoqarnissaa peqqussutaasinnaavoq.

Imm. 2. Imm. 1 malillugu siunnersuineq, pikkorissarnermut peqataaneq ilinniagaqarnerlu pillugit malittarisassanik erseqqinnerusunik Naalackersuisut aalajangersaasinnaapput.

§ 44. Aalajangiisussaasutut oqartussaasut inatsisartut inatsisaanni matumani imaluunniit taanna naapertorlugu malittarisassani atulersinneqarsimasuni aalajangersarneqarsimasunik suliassat naammassineqarnissaannut atugassanik paasissutissanik pissarsiniarlutik qaquguk-kulluunniit, pissusissamisoortumik kinaassutsimut uppersarsaammik pissusissamisoortumik takutitsinikkut eqqartuussivimmiillu aalajangiinertaqanngitsumik, illunut tamanut ammasunut pigineqartunullu, suliffeqarfinnut sumiffinnullu, assartuutitut, niuernermi allattaavinnut aamma allagaatinut, tassunga aamma ilanngullugit atortussat elektroniskimik pigineqartut, isersinnaapput.

§ 45. Suliffeqarfik inuussutissalerisoq aalajangiisussatut oqartussaniit noqqaasoqarneratigut, nakkutillinerup naammassineqarnissaanut pingaaruteqartunik, paasissutissanik tamanik tunniussissaaq kiisalu nakkutilliinermi, misiligitissanik tigusinermi, assiliinermi aamma atortunik allanneqarsimasunik tunniussinermi aamma elektronikkikkut nalunaarsukkat anisinneqarnerini nakkutilliinermi oqartussanik akeqanngitsumik pisariaqartinneqarpat ikiuutissalluni, tassunga ilanngullugit aningaasaqarnikkut naatsorsuuserinikkullu pissutsit.

Imm. 2. Paasissutissat oqaatigisallu nammineq piumassutsimik saqqummiunneqartut eqqortuusut suliffeqarfiup inuussutissaleriffiusup uppersarsarsinnaassavai.

Imm. 3. Aalajangiisussaataasutut oqartussaasut nakkutilliinermut nakkutiginninnermullu atasumik suliffeqarfik inuussutissalerisoq piumaffigisinnaavaat uppersarsaasiinikkut inuussutissanit atortusanilluunniit inuussutissanut attuuttunit misissugassanik tigureqqullugu imaluunniit akeqanngitsumik tigusissasoq, tassunga ilanngullugit tunisassiassat, ilaannakortumik nioqqutissiat kiisalu naammassillugit nioqqutissiat, sermeq, imeq, aalaq, silaannaq, silaannaat, atortussiassat aamma atortut, akiuniarnermi sakkut, eqqiaanermi tunillanartuiaanermilu atortut il.il.

Imm. 4. Suliffeqarfik inuussutissaleriffiusoq aalajangiisussatut oqartussaasunut misissugas-sanik nassiussinerni ikiuuttassaaq tamatumuunalu aningaasartuutigineqartut akilerlugit.

Imm. 5. Pisortaq isumaqaruni imaluunniit pasitsaassaqaruni, inuussutissaq suliffeqarfiup eqqussimasaa, tunisassiarisimasaa, sularisimasaa, piareersarsimasaa siammartersimasaa luunniit inuussutissanik isumannaatsuutitsinissamut piumasaqaatinik inatsit tunngavigalugu inatsimmi matumani malittarisassanilu aalajangersarneqarsimasunik naammassinnissimanngitsoq, suliffeqarfiup pisortaa aalajangiisussatut oqartussanut nalunaarutiginnittussaataavoq.

§ 46. Naalackersuisut nakkutilliinissaq siunertaralugu inuussutissalerinermi inatsisip malineqarnissaata qulakkeernissaanut pisariaqartunik paasissutissanik oqartussaasunut allanut piniarsinnaapput paarlaasseqatigiissinnaallutillu.

Imm. 2. Imm. 1 naapertorlugu paasissutissanik piniarneq, aammattaaq akileraartarnermut pissutsit pillugit paasissutissanut tunngavoq.

Imm. 3. Paasissutissat imm. 1 naapertorlugu piniarneqartut tunngavigalugit Naalackersuisut nalunaarsuinerit paasissutissiissutigineqartullu malillugit nakkutilliartorsinnaapput.

§ 47. Aalajangiisussatut oqartussat inuussutissat pillugit inatsit naapertorlugu, suliffeqarfiup inuussutissalerisup aqqa taallugu nakkutilliinerup inernerinik kiisalu nakkutilliinerup suunera aamma pineqaatissiinerit annertussusaannik tamanut saqqummiussisinnaanerat pillugu malittarisassanik Naalackersuisut aalajangersaasinnaapput.

Imm. 2. Nakkutilliinerup inernerinik pineqaatissiinernillu qanoq iliorluni, qanoq isikkulerlugu qanorlu annertutigisumik tamanut saqqummiunneqartarnissaat, tassunga ilanngullugu tamanut saqqummiussinerup elektronikkikkut ingerlanneqarsinnaanera pillugu malittarisassat pillugit malittarisassanik Naalackersuisut aalajangersaasinnaapput.

Imm. 3. Suliffeqarfiup inuussutissalerisuata inuussutissat pillugit inatsit naapertorlugu nakkutilliinerup ingerlanneqartup inernerinik tamanut saqqummiussinissaminut nammineerluni pisussaaffeqarnera pillugu malittarisassanik Naalackersuisut aalajangersaasinnaapput. Tassunga ilanngullugu nakkutilliinerup inernerinik qanoq iliorluni, qanoq isikkulerlugu qanorlu annertutigisumik tamanut saqqummiussisoqarnissaa pillugu aamma atugassarititaasut suut tunngavigalugit tamanut saqqummiussinerup pinngitsoortinneqarsinnaanera pillugu malittarisassanik Naalackersuisut aalajangersaasinnaapput.

§ 48. Nakkutilliinermut tunngasuni suliassat immikut ittut aalajangiisussatut oqartussaasut kommuninut suliassanngortissinnaavaat. Suliassat suliassanngortinneqarsimasut naammaginnartumik isumagineqarnerinik aalajangiisussatut oqartussaasut nakkutilliissapput.

Kapitali 14

Pineqaatissiinerit

§ 49. Kalaallit Nunaanni Pinerluttulerinermut inatsimmi malittarisassat naapertorlugit akiliisitsisoqarsinnaavoq:

- 1) Inatsisartut inatsisaanni § 6, imm. 1 aamma 2, § 7, imm. 1 aamma 3, § 16, § 17, imm. 1, § 18, imm. 1, §§ 19-21, § 23, § 24, § 32 unioqqutinneqarpat.
- 2) §§ 39-42 aamma § 43, imm. 1 naapertorlugu peqqusummik malinninngitsoqarpat imaluunniit inerteqqusummik unioqqutitsisoqarpat.
- 3) § 44 malillugu Uumasunut Nakorsaqaarnermut Inuussutissalerinermullu Oqartussaasunik isertitsinngitsoqarpat.
- 4) inatsit imaluunniit inatsit malillugu malittarisassiarineqarsimasut naapertorlugit akuersisuteqarnermut piunasaqaataasunik unioqqutitsisoqarpat.

5) § 45 malillugu Uumasunut Nakorsaqaqarnermut Inuussutissalerinermullu Oqartussaasunik ikiorsiinngitsoortoqarpat imaluunniit § 45, imm. 3 malillugu misiligutissanik tigusinngitsoortoqarpat.

6) pisortani oqartussanut eqqunngitsunik salloqittaalluniluunniit paasissutissiisoq imaluunniit inatsimmi inatsilluunniit naapertorlugu malittarisassat aalajangersarneqartut naapertorlugit peqqussutigineqartunik paasissutissiinngitsoq.

Imm. 2. § 6, imm. 3, § 7, imm. 2 aamma 4, §§ 8-9, § 10, imm. 2, §§ 11-15, § 17, imm. 2, § 18, imm. 2, § 22, §§ 25-31, § 33, § 34, imm. 1, § 35, imm. 1, § 36, 38, imm. 2, § 43, imm. 2, aamma § 46, imm. 3, § 47-mik naapertorlugu najoqqutassanik aalajangersarneqartunik unioq-qutitsisoqarpat.

Imm. 3. Inatsisartut inatsisaat imaluunniit maligassat atuutilersinneqartut Inatsisartut inatsisaat akiliisitsissummik aalajangersaanissamik tunngavissaqartitsippata, akiliisitsissut Kalaallit Nunaanni Pinerluttulerinermi inatsimmi kapitali 5-imi malittarisassat malillugit inatsisitigut pisinnaatitaasoq pisussaataaasorlu akiliisitsissummut akileeqqullugu peqquneqarsinnaavoq.

§ 50. § 49, imm. 1-3 naapertorlugit akiliinissamik arsaarneqarnissamilluunniit pineqaatissinerup saniatigut peqqissutsikkut navialisitsinermik annertuumilluunniit kinguneqarsimasumik uteqattaartumik ilungersunartumilluunniit unioqqutitsisoqartillugu Kalaallit Nunaannut pinerluttulerinermik inatsimmi pisinnaatitaaffinnik annaasaqarneq pillugu malittarisassat malillugit Kalaallit Nunaanni suliffeqarfimmik ingerlatsisinnaanermut pisinnaatitaaffimmik arsaarinnittoqarsinnaavoq.

§ 51. Unioqqutitsineq akiliisitsinermi qaffasinnerusumik kinguneqartinneqassanngitsoq isumaqarfigineqarpat, Naalakkersuisut nalunaaruteqarsinnaapput, inuk pineqartoq unioqqutissinermi pisuusutut nassuerpat piffissaliunneqartullu ersarinnerusup ingerlanerani, sivitsuinissap qinnutiginerata kingorna, akiligassap nalunaarummi allanneqarsimasup akilernissaanut piumasuseqarluni nassuerpat, suliaq eqqartuussivimmi suliarineqanngitsumik aalajangiiffigineqarsinnaasoq. Taamatuttaaq arsaarinnittoqarnissaanik piumasqaateqarneq, tassunga ilann-gullugu pigisanik nalilinnik arsaarinnissinnaaneq eqqartuussivikkoortitsinnikkaluarluni aalajangiiffigineqarsinnaavoq.

§ 52. Suliani allaffissornikkut suliarineqartuni, tak. § 51 Kalaallit Nunaanni eqqartuussisarnermut inatsimmi § 347 imm. 1 taamatuttaaq atorneqartassaaq.

§ 53. Kalaallit Nunaanni pinerluttulerinermi inatsimmi arsaarinnittarneq pillugu malittarisassat Inatsisartut inatsisaanni uani taamaaqataanik atorneqassapput.

§ 54. Inuussutissat immikkoortitat taakkuluunniit ilai arsaarinnissutaappata arsaarinninnermut atatillugu inuussutissat immikkoortitat taakku inuussutissanit allaniit immikkoortinneqarnissat paarnaarlugillu naqissusernissaat suliffeqarfimmuut inuussutissaleriffiusumut peqqussutigineqarsinnaavoq, taakkulu nakkutilliinermi oqartussanit nalunaaqutsernissaat naammagi-

innarlugu. Inuussutissat nalillit arsaarinnissutaasimasut aamma inuussutissat allat akuleriis-sinnerat arlaatigut pinngitsoortinneqarsinnaanngippat inuussutissat nalii arsaarinnissutaasut siumoortumik aalajangerneqartumut sumiiffimmut assartorneqassasut suliffeqarfik peqquneqarsinnaavoq.

§ 55. Inatsisartut inatsisaat una imaluunniit taanna naapertorlugu maleruagassat atulersinneqarsimasut naapertorlugit akiligassiinerit arsaarinninnerillu, Nunatta Karsianut tunniunneqassapput.

Kapitali 15

Atortuulersitsineq, atorunnaarsitsinermi ikaarsaarnermilu aalajangersakkat

§ 56. Inatsisartut inatsisaat manna ulloq 1. januar 2020-imi atuutilissaaq.

Imm. 2. Tamatumunnga peqatigitillugu inuussutissanik uumasullu nappaataannik inunnt tunillaassorsinnaasunik nakkutilliineq pillugu Inatsisartut peqqussutaat nr. 17, 28. oktober 1993-imeersoq atorunnaarsinneqarpoq.

Imm. 3. Inatsisartut peqqussutaat naapertorlugu malittarisassat atulersinneqartut imaluunniit ingerlatiinnarneqartut, tak. imm. 2, atorunnaarsinneqarnissami tungaannut imaluunniit malittarisassanik nutaanik taarserneqarnissami tungaannut atuutiinnassapput.

Imm. 4. Suliffeqarfiit, manna tikillugu malittarisassat malillugit akuerineqarsimasut, inatsisartut inatsisaata matuma atulersinnerata kingorna akuerineqarsimasutut isigineqassapput.

Namminersorlutik Oqartussat, ulloq xx.xx. 2019

Kim Kielsen